


Formasaun animadór sira nian

2015

4

MARIA, ESKOLANTE SIRA NIA TULUN NA'IN (Jo 2,1-11)

Ita hotu hatene akontesimentu Kana nian no oinsá Na'in Feto fó nia tulun atu festa kazamentu bele la'o ba oin di'ak. Pasajen ida ne'e Evanjellu nian halo parte Liturgia ba Solemnidade Maria Auxiliadora nian, tanba dala barak Dom Bosco foti pasajen ida ne'e nu'udar modelu kona-ba konfiansa ne'ebé sarani sira tenke hatudu ba Maria.



Evanjelista João foti akontesimentu ida husi moris bainbain nian (kazamentu ida) hodi haraik ba nia importánsia boot: “Ne'e mak milagre uluk ne'ebé Jezús halo iha Kana Galileia. Nia hatudu nia glória, nia eskolante sira fiar Nia.” Ho eventu ida ne'e, hahú “Livru sinál sira nian”

Eskolante na'in rua ne'ebé tuir Jezús, mai husi João Baptista ne'ebé evanjellu dehan katak nia la han no la hemu. Iha ne'e, Jezús rasik deside atu partisipa ba festa ida; Nia lori eskolante sira, la'ós iha ne'ebé nia hela, maibé Nia ba tuir festa: diferénsia boot ho João Baptista!

Husi buat ne'ebé evanjelista João hakerek, bele komprende katak Maria iha ona festa (iha tempu ne'ebá, festa ida kazamentu nian bele dura loron ida to'o semana ida) no nia de'it mak

haree katak tua la iha ona. Evanjellu la dehan oinsá Maria deskobre buat ne'e, maibé nia pasa kedas informasaun ba ninia Oan. Jezús nia reasaun no Ninia liafuan sira bele halo ita hakfodak: Jezús hatudu ninia liberdade iha buat ne'ebé Nia halo, Nia la depende husi Ninia inan, Nia la halo buat ne'e tanba Maria husu, maibé tanba buat ne'e la'o hamutuk ho Maromak nia hakaran.

Maria nia reasaun ba buat ne'ebé Jezús dehan ba nia halo ita hakfodak: maski Jezús nia liafuan todan, nia kontinua buka solusaun ida, maibé troka “estrategia”! Maria konfia katak Jezús hakarak ema nia di'ak no katak Nia sei halo buat ruma, maibé Na'in Feto la hatene loloos Jezús atu halo saida; nune'e nia ba ko'alia ho atan sira, hanesan Jezús simu ona buat ne'ebé nia husu no dehan ba sira: “Imi halo buat ne'ebé Nia sei haruka halo”. Konfiansa totál ne'ebé Maria hatudu no atan sira nia disponibilidade dudu Jezús atu halo milagre maski Nia dehan katak ‘Ninia tempu seidauk to'o’.



Kuardu p.98

REFLETE liuhusi ESPERIÉNSIA SALEZIANA

Iha Maria Auxiliadora ita hetan modelu no gia ida ba ita-nia asaun edukativu no apostoliku, ita propoin nia ho domin-admirasaun ba kultu no atu imita, hodi fahe selebrasaun sira no hodi hanoin hetan ninia lia-menon. Ita harohan ba nia, Inan no mestra ita-nia esperiénsia formativa nian, ho modun espesiál iha orasaun, hodi medi ninia hahalok no ninia liafuan sira iha Evanjelu”

Volontariadu, iha ninia forma oinoin, la'ós de'it hahalok spontaneu laran luak nian, maibé mentalidade ne'ebé signifika sasin ho valór morál no sosiál aas liu. Bele kualifika nia liuhusi elementu determinante ruma: interioridade apostolika, ho espíritu “da mihi animas”; sentralidade Kristu, Bibi Atan di'ak nian, ne'ebé husu ba voluntariu misionariu atu iha ninia atitude pedagogiku pastorál; empenhu edukativu, karakteristiku ba karizma salesianu; sentidu hola parte Kreda nian; hala'o serbisu ho ksolok; dimensaun mariana, ne'ebé halo asaun misionaria no voluntariadu sai parte ho Maria Auxiliadora nia maternidade eklesiál”

Kuardu p.160

Ba don Bosco, nune'e mós mai ita, mehi tinan sia nian mak murak ida: Jezús haraik mai ita nia inan nu'udar tulun no mestra estilu edukativu ida nian. Fiar metin iha Maria nia prezensa edukativa no dosil ba ninia konvite: «Halo buat ne'ebé nia sei dehan» (Jo 2,5), ita husik nia kaer ita-nia liman hodi lori atu aprende loron ba loron ninia pedagogia ho kbiit atu nakfilak ita-nian no foin-sa'e sira nia moris.

LOME 29

Maria edukadora, basá loos duni Espíritu mak eduka nia, nia mak pontu referénsia ne'ebé edukadór sarani sira ohin loron nian labele husik. Nia, defaktu, kolabora iha nia Oan-Mane nia dezvoltamentu umanu iha nia dimensaun sosializasaun, inkulturasaun no adaptasaun nian. Husi parte seluk, Jezús promove nia inan nia dezvoltamentu iha fiar.

Maria, feto nia povu nian no matadalan ba mistériu, oferese possibilidade ba diálogu ida entre ema hotu ne'ebé hola parte ba tradisaun relijioza oioin mós.

LOME 71

Komunidade edukativa ne'ebé simu bolun atu realiza resiprosidade entre adultu no foin-sa'e sira, iha ninia kompromisu edukativu, bele foti husi Maria nia esperiénsia, inan matan-moris ne'ebé akompaña ninia oan atu simu no hala'o Aman Maromak nia hakaran ba mundu nia salvasaun.

Nu'udar Tulun-na'in, Maria mak ida ne'ebé defende foin-sa'e feto no mane sira ne'ebé kiak no iha nesidade laran, kaer sira-nia liman, gia sira, eduka sira no halo sira konforma an ba Kristu. Nia, nu'udar tulun ba umanidade no Kreda nia Inan, kontinua, defaktu atu tau matan ba nia Oan-mane nia maun-alin sira. Esperiénsia enkontru nian ho Maria sai ba foin-sa'e no adultu sira tulun konkretu iha sira-nia dalan fiar nian, iha asimilasaun kona-ba realidade evanjéliku nian, iha buras amizade nian ho Maromak no iha loken ba komuñau no solidariedade...

Iha klima ksolok, gratuidade, solidariedade nian ba ema hotu, mak comunidade edukativa haka'as an atu moris tuir Maria nia ezemplu, estimula foin-sa'e feto no mane sira atu halakan esperansa, atu keta sai responsavel injustisa nian iha mundu, no orienta sira atu hela iha kiak sira-nia Maromak nia parte.

LOME 96

“Iha kontinente oioin oratóriu revela an nu'udar fatin maksimuk ida, ksolok nian, nakloke atu konfronta foin-sa'e feto no mane sira-nia espresaun moris nian, ho kbiit atu eduka ba fiar no ba moris sosiál.”

PERGUNTA ruma atu bele haburas ita-nia esperiénsia nu'udar animadór

- ♦ Iha Kana, Maria de'it haree katak tua la iha ona, tan ne'e Dom Bosco husu ba Família Salesiana atu foti inspirasaun husi nia, tanba presiza haree kedas iha ne'ebé foin-sa'e sira la hetan ksolok no halo buat ruma. Nu'udar animadór, imi hatene haree situasaun sira ne'ebé fó terus ba oratorianu sira, hodi hanoin oinsá bele resolve situasaun sira ne'e?
- ♦ Maski Jezús hatán la di'ak ba Ninia inan, Maria kontinua buka ema seluk nia di'ak: bainhira iha oratiu imi hetan difikuldade ka inkomprensaun sira, imi hatene insiste no kontinua ba oin se buat ne'ebé imi deside tulun tebes oratoria-nu sira?

ORASAUN

Maromak, Ita be hari'i rahun-dia'k Virjem Maria nu'udar Inan no Tulun Na'in povu sarani nian. Husi Nia, haraik tulun atu Ita Kreda bele hetan nafatin kbiit hodi haklaken ho laran maus no ho domin, bele manán susar hotu, laran no liur nian, atu bele fó sai ba mundo Kristu nia Mistériu.

